

## KUR'ANI PËR KUR'ANIN

### Vullnet MERJA

Kur'ani është fjala e Allahut. Pra, ai nuk është fjalë e njeriut. Nëse nuk do të ishte nga Allahu do të shihnim në të ndryshime të shumta. Këtë e dëshmon edhe vetë Kur'ani i shenjtë në suren "Nisa", ajeti 82 i cili thotë: **"A nuk përsiatin ata për Kuranin! Sikur ai të mos ishte prej Allahut, do të gjenin në të shumë kundërthënie."**

Kur'ani iu shpall vulës së profetëve, profetit Muhamed (paqja dhe bekimet e Allahut qofshin mbi të dhe mbi familjen e tij!). shpalja e tij ka filluar në muajin e Ramazanit siç thuhet në suren "Bekare", ajeti 185: **"Muaji i Ramazanit është ai, në të cilin ka zbritur Kurani, që është udhërrëfyes për njerëzit, plot me shenja të qarta për rrugën drejtë dhe dallues (i së mirës nga e keqja)." Ky ajet na flet qartë se Kur'ani është udhëzues për njerëzit në përgjithësi, ka shenja të qarta për rrugën e drejtë (et tarijkul mustekijm) dhe është dallues i të keqes nga e mira.**

Ai është drita e vërtetë, siç thotë Allahu i Madhëruar në suren Maide ajeti 15: **"...Juve ju erdhi prej Allahut dritë dhe Libër i qartë."**

Ai është dritë mbi dritë, siç thuhet në suren "Nur", ajeti 35: **"...Dritë sipër dritës. Allahu udhëzon drejt dritës së Tij kë të dojë dhe paraqet shembujt për njerëzit. Allahu është i Dijshëm për çdo gjë."**

Ai është udhëzuesi më i mirë dhe më i përkryer, siç thuhet në suren "Isra", ajeti 9: **"Në të vërtetë, ky Kuran udhëzon drejt asaj që është më e mira dhe u jep lajmin e gëzuar besimtarëve, që bëjnë vepra të mira, se ata do të kenë shpërblim të madh."**

Ai është litari i pashkëputur i Allahut të Madhëruar i cili në suren Ali Imran", ajeti 103 thotë: **"Të gjithë mbahuni fort për litarin e Allahut (Kuranin) dhe mos u përçani..."** Duke parë gjendjen e zymtë e të mjerë në të cilën ndodhen sot myslimanët në mbarë botën, duhet patjetër që ky ajet të zbatohet.

Ai është shërues i zemrave dhe mëshirë për besimtarët, siç thuhet në suren "Isra", ajeti 82: **"Ne shpallim nga Kurani atë që është shërim dhe mëshirë për besimtarët..."**

Kur'ani iu shpall profetit Muhamed për 23 vjet me radhë për t'i nxjerrë njerëzit nga errësirat në dritë, siç thuhet në suren "Ibrahim", ajeti 1: **"Këtë Libër ta kemi shpallur ty (o Muhamed), për t'i nxjerrë njerëzit, me lejen e Zotit të tyre, nga errësira në dritë, në rrugën e të Plotfuqishmit, të Denjit për çdo lavd."**

Ai ka zbritur në natën më të përkryer, më të mirë dhe më me vlerë, e cila është Nata e Kadrit. Allahu i Madhëruar, në ajeti 1 të sures "Kadr" thotë: **Ne e kemi zbritur (Kuranin) në Natën e Kadrit."**

Po ashtu në suren "Dukhan", ajeti 3 lexojmë: **"Ne e zbritëm Kuranin në Natën e Bekuar..."**, pra, në Natën e Kadrit.

Kur'ani është libër mbarëbotëror dhe nuk është i posaçëm vetëm për myslimanët. Në suren "Sad", ajeti 87, thuhet: **"Në të vërtetë, ky Kuran është këshillë për tërë botën."**

Kur'ani i shenjtë është i pandryshuar. Në të nuk gjendet as shtesë e as mangësi. Për këtë Allahu i Madhëruar në suren "Fusilet", ajetet 41 dhe 42 thotë: **"...Ai është vërtet një Libër i madhërueshëm. Atij nuk mund t'i afrohet gënjeshtër nga asnjëra anë. Kjo është shpallje prej një të Urti që meriton të gjitha lavdet."**

Është i tillë sepse vetë Allahu i Madhëruar është Ruajtësi dhe Mbrojtësi i Fjalës së Tij. Këtë e sqaron më së miri ajeti 9 i sures "Hixhr" i cili thotë: **"Sigurisht, Ne e kemi shpallur Kuranin dhe, sigurisht, Ne do ta ruajmë atë."**

Kur'ani i shenjtë është Libër gjithpërfshirës dhe shpjegon gjithçka. Allahu i Madhëruar, në suren "Nahl", ajeti 89 thotë: **"Sigurisht, Ne e kemi shpallur Kuranin dhe, sigurisht, Ne do ta ruajmë atë..."**

Qëllimi i Kur'anit është ta njohë njeriun me veten e tij, me Krijuesin e tij, me dynjanë e tij, me ahiretin e tij dhe me rrugët që e shpëtojnë atë dhe e çojnë drejt lumturisë në këtë jetëdhe në Jetën Tjetër.

Kur'ani nuk është i veçantë vetëm për një kohë apo për një vend. Ai është Libër i të gjitha kohëve dhe vendeve, sepse në Kur'an ka të vërteta konstante të cilat nuk abrogohen me kalimin e kohëve. Allahu i Madhëruar në suren "Isra", ajeti 105 thotë: **"Ne e kemi shpallur Kuranin me të vërtetën dhe ai ka zbritur me të vërtetën."** E vërteta është e pranishme në çdo kohë dhe në çdo vend. Askush nuk ka dëgjuar që në një kohë të caktuar apo në një vend të caktuar mungon e vërteta. Përderisa Kur'ani është Fjala e Allahut që është e vërteta absolute, atëherë Kur'anin nuk e kufizon as koha dhe as vendi.

Në shumë ajete të Kur'anit flitet për jetën shpirtërore dhe të shëndoshë të njeriut. Kur'ani ndihmon në eliminimin e injorancës shpirtërore dhe krijon një siguri mendore. Interesimi për Kur'anin ndihmon në rrënjësimin e sëmundjeve shpirtërore dhe në mënyrë të mrekullueshme shëron shpirtrat e sëmurë të njerëzve.

Në disa ajete, Allahu i Madhëruar e prezanton Kur'anin si shërim dhe qetësues për njerëzit. Cilido që kapet pas Kur'anit dhe e zbaton atë, ai do të jetë më i qetë shpirtërisht dhe psiqikisht në këtë jetë. Allahu duke iu drejtuar profetit thotë që Kur'anin ta kemi zbritur pjesë-pjesë dhe

atë e kemi bërë përforcues të zemrave. Kur zemra përforcohet më nuk mbetet asnjëpikëllim dhe shqetësim në të. Kur 'ani në ajetin 2 të sures Enfal thotë: **“E, besimtarë të vërtetë janë vetëm ata, të të cilëve kur përmendet All-llahu u rrëqethen zemrat e tyre, kur u lexohen ajetet e Tij u shtohet besimi, dhe që janë të mbështetur vetëm te Zoti i tyre.”**

Atëherë për një jetë të gëzuar dhe të shëndetshme nevojitet të mishërohemi me Kur 'anin, i cili është zburues dhe qetësues i zemrave. Një gjë e tillë sidomos mund ta vërejmë në muajin e shenjtë të Ramazanit. “...pra faluni dhe lexoni sa të jetë më lehtë për tij...” (Muzzemil,20).

Ka ndodhur shumë herë që të shikojmë qiellin dhe të thellohemi në bukuritë e tij. Por asnjëherë nuk mendojmëse kush është Krijuesi i tij? Imam Aliu a.s në lidhje me këtë thotë: “Zoti ka krijuar një hapësirë të gjerë, të madhe dhe të lartë dhe në mesin e tyre ka vendosur yje dhe bukuri tjera qiellore. Në këtë qiell ka vendosur një sistem të përsosur dhe për ne ka krijuar natën dhe ditën. Kështu që në të mund të shohim bukuri tepër mahnitëse dhe përfitojmë kënaqësi të thella shpirtërore”.

Në qoftë se kemi një kovë me ujë por nëse nuk e kemi miellin atëherë nuk mund ta kemi bukën në tryezë. Besimi është sikur uji ndërsa veprat e mira janë sikur miell, të cilat nuk mund të ekzistojnë njëra pa tjetrën. Në qoftë se në këtë botë dhe botën tjetër kemi besim të fortë e nëse nuk kemi sjellje të mira atëherëçfarë dobie do të kemi? Apo nëse kemi sjellje të mira dhe nuk kemi besim, çfarë na duhen ato sjellje. Zoti parajsën ia ka premtuar atyre personave që kanë arritur të mishërojnë besimin me sjellje të mira.

Kur'ani ka prezantuar mënyra dhe rrugë të ndryshme për të arritur deri te qetësia dhe lumturia. Besimi është metoda më e mirë të cilën psikologët e preferojnë në pakësimin e depresionit dhe arritjen në qetësi